



Pennaeth / Headteacher: Miss N Downes
Ffôn / Tel: (01443) 670 319
E:-Bost / E-Mail: admin.yggytonyrefail@rctcbc.gov.uk

Annwyl Rieni / Warcheidwaid

Rydym yn edrych ymlaen i groesawu'r plant yn ôl i'r ysgol ar ddydd Mawrth 2^{il}. Gweler isod wybodaeth ar gyfer y flwyddyn academaidd newydd.

Trefn Dyddiol y Dosbarthiadau:

Mae'r drysau i'r ystafelloedd dosbarth ar agor o 8:50am.

Dylai **pob disgybl** fod yn eu hystafelloedd dosbarth erbyn **9:00am**

Dosbarthiadau	Amser Dechrau	Amser Gorffen
Blwyddyn 3-6	9:00am	3:30pm
Blwyddyn 1-2	9:00am	3:25pm
Dosbarth Derbyn	9:00am	3:10pm
Dosbarth Meithrin	9:00am	12:00pm

Presenoldeb

Yn unol â chanllawiau'r llywodraeth, rhaid i bob rhiant roi rheswm dros absenoldeb eu plentyn o'r ysgol. Rydym yn ceisio sicrhau lefel presenoldeb uchel ar gyfer pob disgybl, gall absenoldebau cyson atal cynnydd. Dylid gadael neges ar beiriant ateb yr ysgol yn esbonio'r rheswm dros absenoldeb eich plentyn - dylid gwneud hyn cyn 9:00am. ar ddiwrnod cyntaf yr absenoldeb. Os na dderbynnir eglurhad, bydd yr absenoldeb yn cael ei gofnodi fel 'absenoldeb sydd heb ei awdurdodi' ar y gofrestr. Mae Swyddog Presenoldeb a Lles yr ysgol yn monitro'n agos holl bresenoldeb disgyblion yn rheolaidd a bydd yn cysylltu â chi os yw'r ganran yn is na 90% - os nad oes rheswm dilys am yr absenoldeb.

Rhaid i rieni sy'n casglu eu plentyn cyn diwedd y diwrnod ysgol roi rheswm dilys a llofnodi cofrestr electronig yr ysgol.

Cyrraedd yn Hwyr

Os yw plentyn yn cyrraedd yn hwyr i'r dosbarth mae'n golygu ei f/bod yn colli'r cyflwyniad i'r wers, mae hefyd yn gwneud rhai plant yn bryderus. Mae bod 10 munud yn hwyr y dydd yn golygu bod eich plentyn yn colli 50 munud o addysg yr wythnos. Bydd y rhai sy'n cyrraedd yn hwyr yn gyson yn cael eu cyfeirio i'r Swyddog Addysg a Lles. Os ydych chi'n cyrraedd yn hwyr, ewch i'r dderbynfa lle bydd rhaid llofnodi'r gofrestr electronig.

Salwch

- Os yw eich plentyn yn teimlo'n sâl yn y bore yna fe ddylech eu cadw adref ac ni ddylent ddod i'r ysgol. **Gadewch neges ar beiriant ateb yr ysgol i ddweud pam fod eich plentyn yn absennol.**

- Os ydi eich plentyn yn dioddef o unrhyw salwch megis asthma lle y mae angen rhoi meddygyniaeth iddynt yn yr ysgol – dylid gofyn am gopi o ffurflen ‘cyflwyno meddygyniaeth’ yr ysgol a’i dychwelyd i’r swyddfa cyn gynted a bo modd.

Alergeddau

- Cofiwch roi gwybod i’r ysgol os oes gan eich plentyn unrhyw alergedd.

Clwb Brecwast

- Bydd y clwb Brecwast yn ail ddechrau ar Fedi 2^{il} yn dilyn y trefniadau arferol.
- Rhaid i bob plentyn sy’n mynychu fod wedi archebu lle ymlaen llaw drwy wefan RCT
- **Rhaid i rieni dywys eu plant i’r dderbynfa yn ddyddiol i’w cofrestru ar gyfer y Clwb Brecwast.**

Gwisg Ysgol

Mae'n hyfryd gweld pob disgybl yn edrych mor drwsiadus yn eu gwisgoedd ysgol ar ddechrau'r tymor. Mae gwisgo gwisg ysgol yn bwysig - mae'n cyfrannu at ddatblygu hunanddisgyblaeth yn ogystal â chreu ymdeimlad o berthyn. Mae gwisg ysgol yn gosod safon uchel o fewn yr ysgol a gofynnwn am gydweithrediad rhieni ar y mater hwn.

- Rhowch enw'ch plentyn yn glir ar bob dilledyn (gan gynnwys dillad ymarfer corff, cotiau a bagiau/bocsys bwyd / poteli dŵr) gan y bydd hyn yn ein helpu i ddychwelyd eitemau i'w perchnogion!
- Clustdlysau – dim ond stydiau i'w gwisgo
- Dim colur, ewinedd ffug nac amrantaau ffug

Gwisg Ymarfer Corff

- Dylai disgyblion, ar ddiwrnodau Addysg Gorfforol, ddod i'r ysgol yn gwisgo gwisg Ymarfer Corff yr ysgol sef: crys-t gwyn/coch, siorts du plaen, gwaelod tracwisg neu legins llwyd / du plaen, crys chwys coch plaen/logo'r ysgol
- Bydd gwybodaeth am ddiwrnodau gwersi Addysg Gorfforol y dosbarth yn cael ei rhannu ar ddechrau'r tymor

Trefniadau Teithio / Casglu Eich Plentyn o'r Ysgol

- Rhowch wybod i'r ysgol (cyn 3pm) os oes unrhyw newidiadau i drefniadau diwedd dydd arferol eich plentyn: os yw person gwahanol am gasglu eich plentyn o'r ysgol, neu os nad yw'n dychwelyd adref ar y bws ysgol.
- Rhaid i unrhyw blentyn sy'n teithio i'r ysgol ar fws gael eu danfon i / casglu o'r arhosfan bysiau gan oedolyn.

Gwyliau

- Os byddwch yn cymryd gwyliau yn ystod y tymor, llenwch y ffurflen gais gwyliau a’i dychwelyd i’r swyddfa.

Parcio

- Rydym yn eich atgoffa i beidio a **pharcio yn yr arosfan bysiau, o flaen gatiau’r ysgol nac ychwaith ym maes parcio’r staff.** Dylid rhannu’r wybodaeth hyn gyda unrhyw oedolyn sydd yn danfon / casglu eich plentyn o’r ysgol.
- Er mwyn hwyluso trefniadau teithio gofynnwn yn garedig ichi i adael yn syth ar ôl danfon/casglu eich plentyn er mwyn sicrhau fod digon o le parcio ar gael.

Dyddiadau Tymor Ysgol 2025 -2026		
Tymor	Dechrau	Gorffen
Tymor yr Hydref 2025	Dydd Llun, Medi 1 2025	Dydd Gwener, Hydref 24 2025
Hanner Tymor	Dydd Llun, Hydref 27 2025	Dydd Gwener, Hydref 31 2025
Tymor yr Hydref 2025	Dydd Llun, Tachwedd 3 2025	Dydd Gwener, Rhagfyr 19 2025
Nadolig 2025	Dydd Llun, Rhagfyr 22 2025	Dydd Gwener, Ionawr 2 2026
Tymor y Gwanwyn 2026	Dydd Llun, Ionawr 5 2026	Dydd Gwener, Chwefror 13 2026
Hanner Tymor	Dydd Llun, Chwefror 16 2026	Dydd Gwener, Chwefror 20 2026
Tymor y Gwanwyn 2026	Dydd Llun, Chwefror 23 2026	Dydd Gwener, Mawrth 27 2026
Pasg 2026	Dydd Llun, Mawrth 30 14 2026	Dydd Gwener, Ebrill 10 2026
Tymor yr Haf 2026	Dydd Llun, Ebrill 13 2026	Dydd Gwener, Mai 22 2026
Hanner Tymor	Dydd Llun, Mai 25 2026	Dydd Gwener, Mai 29 2026
Tymor yr Haf 2026	Dydd Llun, June 1 2026	Dydd Llun, July 20 2026

Diwrnodau Hyfforddiant Mewn Swydd:

Bydd **Llun 1 Medi**, a **Dydd Llun 20 Gorffennaf 2026** yn cael eu dynodi'n ddyddiau HMS ar gyfer pob Ysgol a Gynhelir gan yr AALL.

Bydd 4 diwrnod HMS arall i'w cymryd gan gynnwys:

Dydd Mawrth Medi 30^{ain} 2025

Dyddiadau Digwyddiadau Tymor yr Hydref

Bydd gwybodaeth am ddyddiadau cyfarfodydd a digwyddiadau tymor yr hydref yn cael ei roi yn fuan ar wefan yr ysgol.

Diolch yn fawr am eich cydweithrediad parhaus

Nía Downes